



Na osnovu člana 22 Statuta Brčko distrikta BiH («Službeni glasnik Brčko distrikta BiH» broj 3/07) i članova 76 i 77 Poslovnika Skupštine Brčko distrikta BiH - prečišćeni tekst («Službeni glasnik Brčko distrikta BiH» broj: 11/03), Skupština Brčko distrikta BiH na 56. redovnoj sjednici, održanoj 22. oktobra 2007. godine, razmatrajući Prijedlog budžeta Brčko distrikta BiH za fiskalnu 2008. godinu, donosi

ODLUKU

O ODRŽAVANJU JAVNE RASPRAVE O PRIJEDLOGU BUDŽETA BRČKO DISTRIKTA BiH ZA 2008. GODINU

Član 1

Ovom odlukom uređuje se način održavanja javne rasprave o Prijedlogu budžeta za fiskalnu 2008. godinu (u daljnjem tekstu: Budžet) na području Brčko distrikta Bosne i Hercegovine.

Član 2

Nosilac aktivnosti provođenja javne rasprave je skupštinska Komisija za budžet zajedno s predstavnicima Direkcije za finansije i nadležnih odjeljenja Vlade Brčko distrikta BiH.

Član 3

Javna rasprava održat će se u vremenskom periodu od 25. oktobra do 7. novembra 2007. godine, u predviđenim terminima, kako slijedi:

1. 25. oktobra 2007. godine (četvrtak), u Brčkom – u Domu kulture s početkom u 17 sati. Javna rasprava održat će se s predstavnicima mjesnih zajednica, političkih partija, Privredne komore, Sindikata i udruženja građana;
2. 26. oktobra 2007. godine (petak), u Potočarima – u prostorijama Mjesne zajednice s početkom u 17 sati;
3. 29. oktobra 2007. godine (ponedjeljak), u Bukviku – u prostorijama Mjesne zajednice s početkom u 14 sati. Istoga dana u Seonjacima – u prostorijama Mjesne zajednice s početkom u 17 sati;
4. 30. oktobra 2007. godine (utorak), u Donjem Breziku – u prostorijama Mjesne zajednice s početkom u 14 sati. Istoga dana u Ražljevu – u prostorijama Mjesne zajednice s početkom u 17 sati;
5. 1. novembra 2007. godine (četvrtak), u Gornjem Rahiću – u prostorijama Mjesne zajednice s početkom u 14 sati. Istoga dana u Maoči – u prostorijama Mjesne zajednice s početkom u 17 sati;
6. 2. novembra 2007. godine (petak), u Šatorovićima – u prostorijama Mjesne zajednice s početkom u 14 sati. Istoga dana u Omerbegovači – u prostorijama Mjesne zajednice s početkom u 17 sati;
7. 5. novembra 2007. godine (ponedjeljak), u Krepšiću – u prostorijama Mjesne zajednice s početkom u 14 sati. Istoga dana u Boću – u prostorijama Mjesne zajednice s početkom u 17.30;
8. 6. novembra 2007. godine (utorak), u Bijeloj – u prostorijama Mjesne zajednice s početkom u 14 sati. Istoga dana u Brki – u prostorijama Osnovne škole s početkom u 17 sati;

9. 7. novembra 2007. godine (srijeda), u Ulicama – u prostorijama Mjesne zajednice s početkom u 14 sati. Istoga dana u Grbavici – u prostorijama Mjesne zajednice s početkom u 17 sati.

Član 4

Finansijska sredstva za organizovanje i provođenje javne rasprave, te štampanje 1000 primjeraka Prijedloga budžeta za fiskalnu 2008. godinu, obezbijedit će Vlada Brčko distrikta BiH.

Član 5

Nakon provedene javne rasprave, odnosno poslije 7. novembra 2007. godine, skupštinska Komisija za budžet će sumirati kompletnu raspravu i podnijeti Skupštini izvještaj s prijedlozima i mišljenjima s javne rasprave.

Član 6

Ova odluka stupa na snagu danom donošenja i objavit će se u "Službenom glasniku Brčko distrikta BiH".

Broj: 0-02-022-124/07
Brčko, 22. oktobra 2007. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić, s.r.